

冬雨的古诗

1.
关门南北杂戎夷，草木秋来即出师。落日风沙长暝早，穷冬雨雪转春迟。
。山头烽火孤明后，星外行人四绝时。自古边功何不立，汉家中外自相疑。
——《朔中即事》
2.
江南殊气候，冬雨作春寒。冰雪期方远，蕉絺意始阑。未妨溪草绿，先恐岭梅残。
忽发中原念，貂裘据锦鞍。——《寒雨》
3.
我行自东，山海其空，旅棘有丛；我行自西，垒与云齐，雨雪凄凄；我行自南，烈火满林，日中无禽，雾雨淫淫；我行自北，烛龙寡色，何枉不直。
我忧京京，何道不行兮？——《上古之什补亡训传十三章·我行自东一章》
4.
同为懒慢园林客，共对萧条雨雪天。小酌酒巡销永夜，大开口笑送残年。
。久将时背成遗老，多被人呼作散仙。呼作散仙应有以，曾看东海变桑田。
——《雪夜小饮赠梦得》
5.
潇潇一晌残梅雨，独立无情绪。且随湖柳入微茫，浑记荷花那日小池塘。
。人生多少春秋里，留住一冬季，怎禁妩媚破东风，几缀杜鹃红在雨丝中。
——《虞美人·冬雨》
6.
边声四合殷河流，雨雪飞来遍陇头。铁岭探人迷鸟道，阴山飞将湿貂裘。
。斜飘旌旆过戎帐，半杂风沙入戍楼。一自塞垣无李蔡，何人为解北门

忧。——《横吹曲辞·雨雪曲》

7.

梅尚花时便作霖，儿童造化本无心。保身独鹤归华表，唼口群鸦集禁林。物态尽随时改变，天公不管世晴阴。绝怜西北风寒地，万骑屯中雪正深。——《冬雨即事寄赵默庵》

8.楚水结冰薄，楚云为雨微。野梅参差发，旅榜逍遥归。——《旅行》

9.

春雨甲子，赤地千里。夏雨甲子，乘船入市。秋雨甲子，禾头生耳。冬雨甲子，牛羊冻死。鹊巢下地，其年大水。——《占四时甲子雨》

10.

忽忽时节改，白日藏光辉。重阴润九野，小雨纷微微。苍山寒气深，高林霜叶晞。田家秋成意，落落乖所期。旷望独兴怀，戚戚愁寒饥。事至当复遣，且掩荒园扉。——《冬雨不止》

本文链接：<https://duanjuziku.com/duanjuzi/cd3qmv64f9.html>